

dù drù pfunt jaerlich<sup>3</sup> ie an sant Martins abent, ald dar nach wenne es an vns<sup>6</sup> geuordert wirt, inen nit / ganzlich richtinn, mit pfenningen ald aber mit guoten<sup>2</sup> vngeuarlichen varen pfanden, dù man ie vmb drù pfunt pfenning wol yersetzen oder verkoufen<sup>7</sup> mag, So ist - - den vorbenemten vnsren<sup>6</sup> / herren - - den Corherren vnd - - dem Capittel gemainlich ze Cur, vnsrù<sup>6</sup> ebenemten zwai bett des wingarten zinsuellig mit allen den rechten dù dar zvo<sup>8</sup> gehoerent<sup>9</sup>, vnd ist inen eigenlich / geuallen, Sunderlich vergich ich vorbenemtù Katherina des ebenemten Josen Boks elichù wirtinne, das ich dis vorbenemt guot vnd disen kouf<sup>7</sup> willeklich vfgeben vnd geuertgot han, den, e-/benemten minen herren - - den Corherren, vnd - - dem Capittel gemainlich ze Cur, mit mines lieben vettern hant, des vorbenemten Johansen Stoeklins<sup>9</sup> mines rechten erkornen vogtes / vnd mit sinem guoten<sup>2</sup> willen han ich mich des guotes<sup>2</sup> luterlich enzigen, - - der mir vor offenem gerichte ze veltkirch in der Stat, vber<sup>6</sup> dis sache, ze ainem rechten vogte geben vnd ertailt wart /, mit Rechter vmgaender<sup>3</sup> gesamnoter vrtail; Vnd ist dis alles beschehen mit worten vnd mit werken, dar zvo<sup>8</sup> mit allen dingen vnd sachen, so es wol kraft mag gehan, vnd iemer vest / vnd staet<sup>3</sup> beliben, vnd wie recht ist; Das dirre kovf<sup>4</sup> war vest vnd iemer staet<sup>3</sup> belibe, des vnd aller dirre vorgeschribener dinge ze vrkünd, habent wir vorbenemten Jos der / Bok burger ze veltkirch vnd katherin sin elichù wirtinn, den ebenemten vnsren<sup>6</sup> herren - - den Corherren vnd - - dem Capittel gemainlich ze Cur disen brief geben vnd gebetten / besigeln, mit gemainem Insigel der Stat ze veltkirch, vnd mit Ruodolfs krapfen des ebenemten Statammans, vnd Johansen Stoeklins<sup>9</sup> aigenen Insigeln, wan wir selb nit Insigel habent, / Dù selben Insigel wir vorbenemten Ruodolf<sup>2</sup> krapf der amman, vnd Johans stoekli<sup>9</sup> burger ze veltkirch, durch iro bette willen, nach der burger Ravt<sup>5</sup> ze veltkirch, vnd ovch<sup>4</sup> ze vrkünd / aller dirre vorgeschribener ding gehenket habint an disen brief, Wan dirre vorgeschriben kovf<sup>4</sup> mit vnsren<sup>6</sup> handen vnd mit vnsrem<sup>6</sup> guoten<sup>2</sup> willen, vfgeben vnd geuertgot ist, / als vorgeschriben stat; Dis beschach ze veltkirch in der Stat, vnd wart dirre brief geben, do man zalt von Gottes gebürt drüzehenhundert Jar, dar nach in dem Sibenden / vnd vierzgoten Jar, an dem nechsten zinstag vor Sant Nicolaus tag.